

進賢縣志卷之三

建置志二

倉廩  
郵遞

附漕兌議

常豐倉 縣治南來撫門內嘉靖初尹胡斐重建此  
官府積穀倉 邑人萬福記邑預積貯備荒也倉以  
常豐名志有也進賢故倉五南北久廢東傾頽過半  
西僅存值兵歉寡哀常豐亦淪廢焉侯來蒞茲邑首  
重民命往視倉嘆曰豐凶數之常儲積令之責弗厚  
其積曷備其凶矧倉阻城外脫有急則中外成嚴適  
爲敵資吾何利用是謀併之會大叅嚴公來按縣嘉

進賢縣志

卷之三

倉廩

一

侯議焉遂助贖金成廩美廼正德辛巳秋七月爰徙  
東西併入城中同衆志也不費公帑以糜民財捐已  
俸也密其茨覆崇其垣墉垂經久也左右對峙鱗次  
翼張廣儲蓄也廳事高明簷楹深邃使出納也嘉靖  
始元六月吉告成邑人咸走視之老者駭其崇稚者  
誇其壯守者喜其完輸者樂其便且邇也先期遴董  
厥事耆老黃貴徵予文以紀予惟孔子曰有脩斯無  
患管子 倉廩實而知禮節侯其有焉噫侯之善政  
奚趨此哉利民祈報新厥廟也便民通濟葺厥橋也

固民保陣石厥城也皆侯愛民之志之緒也召杜父  
毋何忝哉是用勒石以垂不朽云侯名斐字時章浙  
之金華湯溪人登正德甲戌第居是以文學政事名  
便民倉 在縣治北城外烏石山下嘉靖甲申尹吳  
大本建此收東西南三鄉兌米倉 邑人萬鏜記邑  
大夫南峯吳侯蒞任之明年爲嘉靖甲申其夏四月  
始作倉于縣北關外里許石龜坑之陽父老有過予  
者曰便矣哉此倉也問之故則曰縣北六十餘里三  
陽水次有倉焉直下鄉厓民便耳此倉之設上鄉其

胥便乎旣而倉成侯曰臨視之槩量日平納受無滯  
章程畫一罔敢撓則又謹曰倉誠便哉糧之旣入矣  
晒涼有場焉藉於地有木若板焉左不百步有通河  
焉可以免浥爛之虞可以直達交兌之所司納者則  
又稱曰北倉寧獨爲輸者設哉倉之地因於養濟院  
故基其材木取之集善諸廢寺故料而一切雜費感  
出綜畫民罔聞之則又曰侯不欲擾我而遺我以便  
一至此哉予聞而私念之以爲始之言便者繞其大  
也再三舉其詳也終焉所謂便之便者也侯先立乎

其大者則諸便從之矣必若名倉其便民乎一日侯語次及倉予述以告會侯白事會城巡撫中吳盛公問倉名云何侯舉予言以對公亟贊之及諸當道褒訢無異詞於以見豈弟君子一念爲民之誠獲上信下其響應固若此哉侯今以風憲檄徵矣邑倅嘉禾顧君傳謁予以記予固倉中之一便民也誼焉辭乃諗於衆曰爾等昔言倉之所謂便者至矣復何進焉然亦知夫此又有便者乎夫糧儲爲國家命脉而實資之於民民旣便也則歲運可克京儲有濟斯不亦

便國矣乎衆曰然予又曰倉以便民而國因之便固矣亦知夫有不便者乎衆聳然以思予曰昔惟三陽倉歲委之寮屬耳令得省鑒視之勞避繩察之怨或因而交征爲利者亦有之今則勞矣且任怨矣利源塞矣於身圖奚便焉惟侯不徒便其身故爾民有此倉之便也且侯之不自奉自佚自遂自賢以求便爾民者豈直倉哉茲特其可見者若甘棠峴碑然耳衆咸謝曰懿哉探本之論非吾儕所及也相率曰復於顧君君嘉謂予曰吾聞之爲政者其上便民其次便

國其下便身先生之言匪倉斯記所以詔吾人者切矣繼自今寧無覩倉興思時其修葺呂未永其便者乎請遂勒之昭示無斃倉爲廩十三間均若一倉之中稍後爲廳事又後爲退居其前爲大門間各視廩之數繚以周垣丈計之百有二十其夏六月辛丑落成距始事日周甲子而僅加五也侯名大本字性夫正德辛巳進士爲宣城望族南峯其別號云

學倉 詳學校內

三陽倉 縣治北六十里三陽渡水次爲兌淮米設

進賢縣志

卷之三

倉廩

四

尹李學曾詩眼前幾個識酸鹹世豢紛紛只悅甘君實已知財有數桑羊徒把利爲談軍勞剝兌真當卹民苦誅求也不堪誰爲傳言聖天子少將西北仰東南 邑人楊峻次韻平生攻苦食無鹹小試牛刀分所甘爲繼曲江敦實學每憐東晉尚虛談五羊自古穰余靖八俊于今見仲堪誰爲蒼生一推轂早移節鉞鎮江南

土坊倉 縣治西五十里卽土坊舖爲便儲西鄉兌淮米設嘉靖戊申尹周美建

東鄉倉 池溪橋左舊翁領舖萬曆間尹王亮改東鄉倉於潤安題曰潤安便民倉 邑人雷夢麟

海王公治進邑九事之便於民者亟舉之民咸徯志焉有二十二都于希孔者議立倉於潤安都之人稱便上其議於司府皆稱便乃因古社學遺址環以墻中爲公廳前爲門左右爲倉里各用其一而裕也倉成民以時輸而自運焉既不失公家之賦又以餘飼守者而足也噫便矣哉請于公命之曰潤安便民倉書足國裕民於廳語曰百姓足君孰與不足故足國

者先裕民裕民者先使之仁人之言有本 愚生長茲土願言其所曰便按舊規凡兌軍米 貯三陽倉曰竣其地在縣之北七十里曰水所會舟車所通也然民之附于郭散處于東西南之各鄉者或踰百里而輸或踰七十里而輸東越軍湖西浮白沙茫然萬頃其勢不得速達而督責之苦催僭之勞交剥守候浥 之 無紀矣其後宣城吳公立倉于縣北關附郭以南之民便焉崑山周公立倉于土坊西之民便焉獨東無與立者民不便甚則告而自立在十六都

則廻龍溪在二十二都則今潤安皆得併力自運他無所擾焉視官所立倉尤爲便矣蓋民之所立若已有之立之不苟且修之不怠緩無傾圮之患焉倉之所在相去不數里朝至而朝輸之暮至而暮輸之輕車熟道風雨不廢無險阻之患焉且一都之中十年之內征輸相代彼不得少負此不得多取卽有逃亡業之所屬舉相知也無逋賠之患焉民自輸之民自運之不越都而代焉多者主之少者副之不偶語而足焉卽有所費皆爲已出且衆擎易舉也無虧累之

患焉上不煩于審編下不容於營脫歲之所值各蚤計之卽有奸頑鄉之公評不可昧也無規避之患焉愚故述而紀之俾後之爲治者不失公之意焉則民之便也永矣噫十六都便矣而十五都則遠者愚以爲附廻龍溪便二十二都便矣而十七都十八都則又遠者愚以爲附潤安便而民莫以告者無于希孔若人者之倡義也姑書此以竣

西鄉倉 在二都藍田

南鄉倉 在十二都臧溪

北鄉倉 在八都白岐山

兌倉 在省城進賢門外河街水次萬曆二十六年尹黃汝亨建 邑人樊兆程記我國家歲漕百萬之粟以實邊儲計卒食脚潤之耗不啻三致一也再計水衡金錢之費不啻十致一也若析計郡邑頭會筭歛種種費出無經又不啻二十致一也夫軍國有必藉之需民力有一定之額浮於額之外者何益於國祇重病吾民焉以余歷覩東南郡邑漕粟之額外病民者比比皆然但有甚不甚耳我進邑之漕粟踰額

進賢縣志

卷之三

倉廩

七

叢蠹敝也甚矣進邑與南新均錯壤而治南新儲漕粟以庾進邑儲漕粟以舟儲以庾者粟之數可核粟之顛勿壞粟之輸甚便粟之出納無敢高下其手儲以舟者粟以無防而耗粟以近水而潤粟以色不糲而起旗軍之刁難粟以船蕩漾而致糶量之不平又其甚者有風波之險有守候之苦有搬剥之需勢不得不僉富有力者領兌名曰解頭里遞任徵解頭任兌三十八都各一人焉彼在夙猾則藉名目肆科索若村保愿民畏旗卒如虎視赴兌若赴戍剔屋賣田

冗費惟以得蚤脫苦役爲快勢又不得不雇巨艦  
艦頭倍索募資肆行侵漁更因緣旗軍強半分利解  
頭莫敢誰何大率計每年泔耗外交兌諸浪費及  
高下其手者船頭公取竊取一切無名莫算者銀  
不下二千兩有奇米不下二三萬斛而嚮所立縣鎮  
三倉煩擾疊累及衙役市僧以爲奇貨而吞食之者  
又不可數計也會一邑額米二萬六千有奇而額外  
浮冗之費幾半之鍾陵編戶厘三萬四千耳貧而赤  
立者什之八九有中人產者什之二三其富有力量

百不四五也每歲傾三十八戶而幫運津貼者又不  
數十戶歲計傾害者村相望無一歲而不漕則無  
一歲而不害民安得不十室丸空轉徙相仍也哉前  
令恤其事或有議賃倉囤兌者或有請移船就鄔子  
交兌者竟格而難行今我武林黃令君以己亥來蒞  
我邑孜孜詢民間疾苦次第具白於當道尤於漕運  
一事進父老訪縉紳羣子弟而脩詢之咸以狀聞謂  
必有倉儲而後可甦民累也令公曰烏可緩時庚子  
六月天溽暑令公不避星馳抵水次擇便利得庾部

之石有故叅戎第修梁傑構堅礮崇墉向東而西縱一百七十尺而橫半其縱之數買直比創費省十之六衆咸曰便於是召集闔邑鄉遂坊市之民計材慮役萬姓謹呼挾銖兩祈成事思得廉幹者任之敦請余族兄州牧灼董其役分而佐理者八人若古昔重三老之義媿媿爲民請於兩臺暨道府咸報曰可上日鳩工庶民子來澆者易之頽者築之卽舊爲倉者二十三間創新爲倉者六十一間每都各一倉以便收兌廳事之左量留翼室庖湑等房以便糧衙居憩

且可省先年解役賃屋重費也凡用木七千六百章瓦甃黝堊鐵石之用糲是計費九百兩有奇經始萬曆二十八年七月閱三月工完而運艘鱗鱗至矣值歲當羣吏入計令公且行且惓惓調停一切事宜與我民約曰革去倍徵之議桶一以官斛爲準毋重困我民爲也里遞各催米隨便抵水次上倉卽返毋久守候爲也批頭於鄉偶中選僉十二名守兌各里遞量爲幫貼毋仍先年疊累爲也又言之上官曰改水兌爲倉兌則移船贏米請減以抵脚費也解頭旣省

民無煩役旗軍亦輪伍接 請毋以十五之衆重擾  
擾也時制臺仁吾夏公太府常鶚陳公咸雅志爲地  
方興除得悉遂所請地官尙書郎如愚俞君監督兌  
政持廉釐弊軍無敢譁民咸稱便我邑倉兌創始尤  
藉彈壓均劑之力居多民相與尸祝之以識不忘是  
歲無插換無浥爛眇散洒至於無籌淋尖樣米盡會  
頭舵夙例諸無名費槩多減約令公以辛丑夏月復  
任鍾陵悉心嚴覈有餘粟有剩費計是歲汰省比先  
年濫溢者不啻什百一一申白之著爲例我邑利賴

進賢縣志

卷之三

倉廩

十

寧有旣耶邑人漑公之澤思勒鴻休垂永遠相率請  
記於程予惟弊不太甚無容速去法不彌便難以強  
民我邑數百年水兌荼瘁甚病吾民莫不以立倉爲  
便令君斷然行之剔苛除煩而民不以爲驟舉羸役  
衆而民不以爲勞惟時丁壯安於田里耄倪歌於道  
路且也令君任邑甫二載其更生我民率多異政日  
者南兌之節縮厝置視漕兌所省幾相半也鍾陵何  
幸而獲逢令君也哉昔呂文靖不稅農桑一事耳王  
文正公且謂其能重民事達治體而知其必與沂公

並相我令君諸九擘畫靡不便民識體而不爲且夕計也者其他日鴻鉅事業洵可必也已予願與士若民拭目俟之令君名汝亨字貞父號寓庸浙江仁和人戊戌進士

進賢省倉作者苦心良法鉅細畢當十數年而後寢非其初殆有政息人亡之感焉爰脩述當年文移條議以存故實

南昌府進賢縣爲懇恩俯順民情比例省縣議立兌淮官倉以蘓極困垂永利事萬曆二十八年五月二

進賢縣志

卷之三

倉廩

十一

十二日據通縣坊里王家讓何邦謐等連名具呈前事內稱進縣土壤接近南新制產同種輸運同道惟南新有倉兌之利獨進賢遭船兌之害每年起運之時值冬乾水涸積年大船戶包寫船隻駐樊西港三陽等處長短小船鴛路逆流盤運看守不全恣意偷盜挿 穀碎等齊衆米停留日久濕潤漸生錮弊難更有風波之險糶粒難存臨兌掛籌動被旗軍刁難卒難措辦只得重利揭債認賠傾家蕩產十斛九乏苦已極矣今衆自脩民財買地建倉革除大船而

濕潤插和故弊可除懇乞申文等情到縣本年六月初八日又據本縣鄉宦樊兆程雷夢麟江和饒位徐應鶴陳維春等舉人黃誥何允清等廩增附生員徐學詩舒一桂等具呈前事內稱本縣民以瘠土困踣病加兌役疲斃山城非澤國之區冬月浙流如綫長江離水道之遠運米梯航難通必假小中船兩遞而至巨艘故遭大船戶百弊而恣侵漁不惟風波之險驚心疲役最困水穀之插藉口旗軍小民業痛日食脚耗之艱上運何堪掛籌逋負之苦鬻兒賣女蕩產

進賢縣志

卷之三

倉廩

十一

傾家若不絕去弊源何由頓起溝壑惟南新設有兌倉軍民安堵獨進賢原未朊建耗損無休幸遇睿慮國計軫念民艱乞允建倉之議以刷宿垢冀申宜民之策大鬯仁風則倉自民創歲省妄費數千金米不船兌利益疲民千百世等情本年七月初二日覆據通縣坊里王家讓何邦謐等呈乞申文建倉兌革船運急解民懸事內稱本縣糧解年換船戶積慣欲自看守難防盜竊只得包裝恣意插和緣因假手隔目事不由已致使軍旗刁勒有名倉兌一立舊弊悉蠲

前月泣訴天臺蒙恩允情衆等自備民財買地建倉  
見有南昌居民熊偉置有水次便倉一所愿賣貯兌  
憑衆定價議買卽今兌運在邇讓等勢急湯火願各  
捐貲速成救痛呈乞速申建倉革船裕國蘓民等情  
到縣據此看得通縣坊里王家讓等鄉宦樊兆程等  
及通學生員徐學詩等再三呈懇所據卑職識淺未  
敷政體力綿無救民艱豈不知治貴無事法在安民  
顧有民所自起而順之爲安事在樂成而動之爲靜  
不憚一勞而貽永逸則今日之水次倉兌是已竊照

進邑東南皆山瘠之土西北多水潦之鄉疊賦繁差  
編多派重已不堪命而淮兌之苦尤不忍言緣無水  
次官倉以致雇船搬運故每年有解頭賠累之困有  
里遞轉輸之煩有小船大船搬移虧折之苦有旗軍  
藉口船裝濕潤刁尅之害視南新立有便民官倉不  
僉解頭者約每年多費米以三五千石計銀以千餘  
兩計而至于民間之計脫解頭里遞之嚇詐人戶積  
年保歇船戶通同包攬科派之費更不可算俱由一  
倉不立百害叢加富至罄竭貧至流亡年復一年困

之又困而率悠悠歲月未遑議成者固非官不恤民亦非民不擇便緣時未極敝則隱忍莫言地無便倉則工費爲鉅民難慮始事且因仍今據通縣鄉宦樊兆程等里坊耆民王家讓胡尚義等呈稱前事極訴無倉船兌之積苦與見有南昌縣民熊偉契賣自置住居便倉一所在於本省交兌水次用價見買不過七白金而整舊加新營度之費不過三四百金計闔邑照米派出者不過千金而所省銀米三四千有奇目今所費者近抵一歲之半而每歲之享利蠲害不

啻億萬之多誠爲一勞永逸進民萬口之便卑職猶恐迹涉紛史顧慮首尾召集父老商兌不寧而合邑都畝坊里之民富者挾銖兩貧者持分厘驩呼同聲風湧雲集倉費倉價移時而成此非卑職真有閔恤之實能致其子來亦由進民不堪湯火之中自救其頭目卑職猶尚狐疑不決稍待歲時顧念目今淮兌不萬民輸赴已同若違時失衆後聚爲難邀簡靜無事之名造棄利貽害之罪又不忍爲然情自下通恩由上造非職一人所敢擅便又查得南昌新建奉

新三縣見蒙兩院司道允行倉兌事例萬姓啣恩進之赤子諒蒙一體同恤爲此不避賤愚謹 本縣船兌耗費若干與設立官倉交兌省費若干及見買倉屋整治若干逐款開列伏乞俯賜照察施行

計開

- 一省僉解頭重累定僉批頭以清兌務
- 一省兌軍浩費
- 一省船兌浩費
- 一置官倉整治之便

進賢縣志

卷之三

倉庫

十五

一就倉以便交納 以上五款俱詳列於後撫院夏按院喬糧道沈各批允

南昌府進賢縣爲申明倉規益民省費懇批定則以便世守事竊照住昔水兌使費浩繁會近千金本縣軫念民瘼已經申請條議免僉解頭省兌浩費建立官倉以便交納各款緣由于萬曆二十八年七月十五日通詳兩院司道外卷查隨奉撫院夏批據本縣申同前事奉批建倉交兌便民居多仰行該縣照議舉行繳奉此又奉按院喬批據本縣請同前事奉批

倉兌既便於船兌卽如議建造運兌繳奉此彼該本縣遵照批示遵行外所有建倉兌過省費銀米數目并遵行事宜該本縣剔心詳查立倉交兌事務較之往昔水兌軍旗藉口濕潤議單外有洒倉漿米無籌之索大船戶有口食潑撒之需每兌米則一石外增補解頭費米一斗今始倉兌亦難盡除故本縣議處每米一石止酌米六升以備兌費緣因原經申請移船米二升行槩多米四合改抵入倉出倉夫脚之米致蒙糧道牌行建昌府蕭通判同運糧蕭把總會議

已經復申批行准改詎意刁軍弊聳矛盾前後文移是以二升四合之米未蒙允除則於本縣酌米陸升之內又被旗軍措去移船及無籌等米是旗軍兩獲其利經解疊受其虧請爲原其履歷再造鴻庥憫痛進邑疲民大普陽春化育詳查本縣原經申請移船改抵脚費之米乞賜允行庶民無外增之耗 羣黎沾其全惠而鈞臺造福生靈利及萬民矣及查往昔解頭用大船載米水兌則有大船錢及旗軍襍用使費每石總會五分動以千計蒙允建倉兌簡僉批頭

十二人則免解頭四十餘名蠲除百費每兌一石今只用公費銀一分此以內軍旗之兌用糧官批頭之口食遠運之扛解罪贖紙張等項悉皆取足於此此皆中正簡便是宜米有贏餘爲此合行申請報聞懇賜矜憫下情昭布軍民定則使進民世爲遵守則倉兌動有成憲加惠元元其利溥哉所有立倉已行益民省費事宜逐一開列詳報俯賜批示允定倉規爲今脩前由具申伏乞照詳施行

今開

進賢縣志

卷之三

倉廩

十七

一原請省僉解頭重累定僉批頭以清兌務切照官倉不立勢不得不船運水兌人戶交納里遞催赴解頭中間道理遠近糧米多少不同不得不零星類齊運至本縣三倉收貯委官驗完然後大船運至漳江水次聽兌于是守候之苦風波之險耗折侵拖之虞上下浩繁之費軍兌刁難之害皆解頭一身肩之故每年值甲人戶聞僉解頭如驅赴湯火富者計賁緣以倖免貧者曾不得塗足而收半穗平則互爲貼幫強且恣意科派通縣三萬四千三百二十五

尸既輸米完官又賠米疊役十室九虛無不疾首不  
貲之費百千無紀若照南新設立官倉則各都畝竟  
可從便運至倉所糧官驗米交兌而解頭可無僉重  
困可立甦矣前件該本縣看得往年僉解頭四十餘  
名今建立官倉止僉批頭一十二名令其在倉九經  
催運米到倉糧官在倉驗收數日本縣印發簿票給  
與批頭止令查收登記某都某畝經催上倉兌米若  
于石明白記籍發票給與經催執票赴縣登簿稽查  
完欠令立倉後苦樂均沾貧富並利豪強無兼併之

進賢縣志

卷之三

倉廩

十八

謀貪暴無多取之害遵蒙允行外乞賜批示永爲遵  
守

一省船兌浩費

切照南新催米一完各雇小船運至水次人倉官驗  
之後固封候兌何省便也進賢獨雇大船者其所由  
每年各里遞零星催米各用長短船隻 路搬運水  
淺灘乾又必搬剥分駐集樊西三陽等處聽候糧官  
驗完然後解頭運至 江水分聽兌夫種米入倉數  
各盈幾千勢不得不雇大船守候水次 有風浪亦

不得不雇大船于是積年大船戶包攬侵漁不可勝言每石船銀二分計通縣漕糧二萬五千五百餘石共費雇船銀五百一十餘兩上米之時淋尖播搪口食神福之米約幾二千上米之後插穀換米爬偷撒洒之米約幾二千餘而風濤浥爛之患搬剥之費不與焉則此五百餘兩金二三千石米從何而辦秋毫粿粒盡民膏血也既有官倉以後惟照南新定例各里經催隨便雇船搬運至省上倉卽不能保無搬剥風波而前項船戶額外之費爛湿漏偷之虞一切可

進賢縣志

卷之三

漕兌

十九

免矣

一省兌軍繁費

切照進賢接壤南新轉輸同道兌米之法漕糧加耗副米與南新之則相同至脚耗米南新止三升進獨三倍此未敢遽請改減惟是倉兌不立往用船兌議有移船就船米每石二升計二萬五千米多至三五百石南新倉兌議單每正副百石只加無籌米一石進賢無倉兌成八十三四石計二萬五千漕糧又多兌米一千五百三十餘石至于積攬船戶通同旗軍

久延不兌捏稱濕潤刁難解頭被其措索尚虞殃禍  
無柰米外加米銀上用銀若上樣米盡會酒倉頭柁  
諸無名費視南新倍之若倉兌一立舡戶不得爲奸  
旗軍無所藉口俱照南新例一體交兌前項千七百  
石米與虛費銀兩俱可減省大半矣前件該本縣看  
得前項二款原有移船及扒蓋米二升四令已經申  
請改抵脚米未蒙改減請乞詳查原文乞允行縣以  
便遵守再照往年船戶有淋尖播塘口食神福等米  
二千爬偷洒撒米二千今倉兌悉已除矣但臨兌又

進賢縣志

卷之三

漕兌

二十

要無籌等費共計二千五百有零爲照往年此多費  
之米每兌米一石則外加增解頭耗米一斗今本縣  
區處每經催遞人納戶名下見米一石加米二升四合  
因以克本年未減旗軍移船之米再照往年每用大  
船錢銀二分共計五百一十餘兩今建立官倉于通  
縣經催遞納人戶只照米每石出銀一分共計銀二  
百五十餘兩改作公費兌上使用官給印簿印票發  
給批頭經催運米到倉照米輸納給票付經催執赴  
縣登簿稽考此銀僅足兌軍使費及批頭糧官飯食

之用今建倉兌查照往昔船銀內已省銀二百五十餘兩釐清夙弊而船戶盡驅插和者何有焉痛削因循而兌米乾圓濕潤者可免矣乞賜查行允爲遵守一就倉兌以便交納前件照得先年移船水兌之時民苦守候軍難勘收南新常年倉兌旗軍例于倉內受米剥運上船民固無所容其夾雜軍亦無所用其刁難今卑縣有倉已行照例交兌但縣批頭止十二名倉口窄狹不等軍旗一時領單輳集不無耽閣紛擾乞牌行該衛所輪伍接单逐日挨次交兌軍止五

進賢縣志

卷之三

漕兌

二十一

名頭戴號巾衛所官僉名記之批頭止五名頭戴糧里頭巾身掛腰牌糧衙官僉名記之照巾識認此外有多添一人者卽係扛幫害兌之人許軍民稟夫  
人少則無爭單清則未見卽糧里不得以不堪之朱  
交軍旗軍不得以什伍之衆欺民而于巾交搆打黜  
之奸亦無所容矣前項已經奉行軍民兩便伏乞  
示永爲遵守

一每年修倉長便看得兌倉見今新立俱屬堅固寒暑經年不無損壞令應修葺此項費用不煩別派卽

原派某號倉房係某都某畝貯米里遞自行修葺如人家自修家倉不待督責自然堅固每年一兌一修輪次加工費亦簡省管糧衙官于未交米先逐一看驗有不堅不固希圖後替者卽行查責至于五年十年大加修葺其餘官廳側房不係貯米之所官自設處加修不涉各糧里人戶若不係兌時間有應修蓋處守倉夫隨時開報以便查驗若守倉人侵損及倉空時容留衙門閒雜人等入倉作踐究責修補本役革換

一議倉夫工食照得官倉旣立必得守倉夫一名前後早晚嚴行看守歲給工食七兩二錢不必別加編派亦不必重費糧里查得原買官倉外有臨街住屋五間每年賃價銀肆兩捌錢可以抵給不足卽于每年各批頭所領餘費內湊給其倉內所置家伙什物等項一一籍記每年逢兌交割管糧官逐日查驗有遺失損壞者責償若啓閉不謹或於倉米通通經催衙門人等奸侵作弊依律申究以上奉守道王巡道張帶管糧道汪監兌俞按院方撫院夏各批允

南昌府進賢縣爲申請移船米改抵倉兌脚費懇乞  
批示以蘓民重困事照得軍民一體法貴均平卽如  
本縣兌糧正額比照南新豐三縣已多脚耗米七升  
有零此載之令甲不可覬減惟是先年水兌每单正  
副米七十八石二斗軍船移就民船原議单内有移  
船二升内多扒盖米四合共二升四合在於副米給  
與旗軍第查南新倉兌每单七十七石緣有出倉入  
倉挑脚米之費外酌議脚夫米二升剥船米四合此  
其例之可鏡者且南新連界均一府属均一倉兌若

不及今申請改抵是軍無移船之勞而復收受其米  
軍獲兩利民有夫脚剥船之費而重出移船之米民  
受疊累矣合以南新例批示以此二升四合改爲倉  
兌脚費是旗軍不過省額外之餘糧里免則外之派  
此皆民沾實恩軍亦貼服具由申詳奉本府帖文奉  
分守帶管糧道王巡按方巡撫夏監兌魯各批允  
徵收兌米簡明告示

一兌米除應納正額外向有加增米四升出於納戶  
名下者已干十甲兌米内盡行革除今見年經催敢

有不遵前革仍前需索升合者許指名告究

一每額米一石公費銀一分仍出于各經催名下

一官斛訪得各經催往往俱用私斛本縣已經嚴禁盡行追出送縣當堂毀破無存隨造官斛印烙用厚鉄釘漆布包上有水鉄匠姓名責令十甲經催俱已遵行矣但今見年經催仍執十甲經催原斛送縣親自驗過轉給收米各戶驗實交兌敢仍用私斛圓桶結幫多勒者許被害人執桶首告重究

一管糧官常例本縣建倉交兌屢經刊示革除今一

進賢縣志

卷之三

漕兌

二十四

甲兌米申委東衙管兌本衙潔已奉公常例分毫不取敢有各經催及本衙人役指稱名色科索各人戶者許諸色人首稟以憑懲治如訪出一體申究

一批頭本縣照舊僉點十二名責令在倉收兌日用飯使費俱于公費內動支毫無別用各經催運米到倉除正數米及公費銀外敢有不愛身家刁索各經催升米毫費者除本縣不時訪究外許被索人首告以憑重治

一兌米俱要乾圓潔淨有將不堪米強納者許稟究

毋得容収

一小船戶陸續載米赴倉每米一石止許口食米一升二合船錢八厘

一保歇及堂衙一應人役有倚官需索誑編者諸人首告立究

南昌府進賢縣爲懇覈兌淮細則清減船兌脚耗永甦民困事竊照進賢丁糧數寡差繁賦重極苦漕兌水運幸蒙恩庇俯從末議允建兌倉批示遵守四年軍足民餘每歲餘米已經清覈變價共銀一千零五

進賢縣志

卷之三

漕兌

二十五

十二兩七錢一分九厘申詳貯庫留抵正賦外靜思糧從則派米從何餘餘不歸民官無實惠案查往昔船兌官民米每石除兌淮正副米外則派脚耗米三升四合八抄五撮三圭四粟共脚耗米一千六百四十二石二斗七升七合七勺卽今倉兌脚耗米內止用扒蓋米一百五十六石四十二升七合四勺八抄七撮一圭二粟每舫議單外增補潑撒米六石共用米二百七十四石六斗三升三合六勺七抄五撮六圭二粟用下軍船脚米三百六十六石一斗七升八

合二勺三抄四撮一圭六粟又用小剥船米四十八石六斗六升三合一勺六抄四項共用米八百四十五石九斗二合五勺五抄六撮九圭緣因允建兌倉以來革去大船經催自雇小船運米上倉卽回未扣口食此宜有贏米者一免僉解頭四十餘名止僉批頭十二名自有公費供給未扣口食使費此宜有贏米者二對倉授受無甚潑撒遞減多米此宜有贏米者三此米在民以爲惟正之供已輸于官在官以爲無礙之積已貯于庫現今本縣申詳毫無滲漏但思

積餘于官雖在庫而官無支解減徵於民無虧官而民受贏餘况夫歲久弊生奸猾計出及今不爲請減定則將來持籌者萬一藉口則內之米乾沒有餘之糧小民脂膏勢歸私橐雖有兌倉之利與無倉同爲此除倉兌交軍足用及正額難移外今將水兌 減脚耗細則陳列于後伏乞立賜裁減頒則度贏餘仍在民間倉兌恪垂永利緣係請減兌糧贏餘脚耗米事理卑縣未敢擅便擬 請詳定奪爲此一一開列并原蒙批允倉兌事規刊冊一本具申伏乞照詳施

進賢縣官民米一石派兌軍正米二斗四升五合七勺四抄六撮一圭四粟

副米一斗三升二勺四抄五撮四圭四粟

淮安倉正米七升八合八勺七抄六撮一圭六粟

副米四升一合八勺四撮三圭六粟

以上正副二項共四斗九升六合六勺七抄二撮一圭此向來額編定則不敢請減勺合者也

進賢縣志

卷之三

漕兌

二十七

原船運兌軍脚耗米二升五合八勺三抄三撮三圭四粟

淮安倉脚耗米八合二勺八抄二撮

以上二項共脚耗米三升四合八抄五撮三圭四粟通共一千六百四十二石二斗七升七合七勺此項脚耗米向雖額編定則今自倉兌交軍有餘所宜照數減則者也

一兌倉每单正米五十石合用扒盖米五斗每官民一石應派米三合二勺四抄六撮六圭四粟

一每戕議单外旗軍爭補潑撒米六石每官民一石應派米五合七勺

一正副并耗米一石挑下軍船脚夫米一升五合每官民米一石應派米七合六勺

一正副并耗米一石小剥船米二合官民米一石應派米一合一抄

以上倉兌四項止該用脚耗米八百四十五石九斗二合五勺五抄比船兌計多脚耗餘米七百九十六石三斗七升五合一勺三抄此應照則

進賢縣志

卷之三

漕兌

二十八

刊入由票以便徵納

巡撫夏巡按徐帶管糧儲道陸分守道本府各批允南昌府進賢縣爲懇覈兌淮細則清減船兌脚耗永甦民困事本縣極苦漕運允建倉兌批示遵守四年軍足民餘每歲餘米清覈變價留抵正賦外案查往昔船兌每官民米一石脚耗米三升四合八抄卽今倉兌革去大船戶及多編解頭口食浪費止用後開四欵米數其餘贏米積徵在官虛留無碍減徵于民民受實惠于萬曆三十二年六月內請詳院司道府

俱各批允將兌淮則內遞減合用正副耗米逐款  
後

一本縣官民米四萬八千一百八十一石三斗四升  
六合六勺

一兌淮正米一萬一千八百四十石三斗八升副米  
六千二百七十五石四斗一合四勺

一淮安倉正米三千八百石三斗六升副米二千一  
十四石一斗九升八勺

一扒蓋米每正米五十石該米五斗共米一百五十

進賢縣志

卷之三

漕兌

二十九

六石四斗七合四勺

每官民米一石應派米三合二勺四抄六撮二圭二  
粟

一每戠議單外補旗軍潑撒米六石共米二百七十  
四石六斗三升三合六勺七抄五撮六圭二粟每官  
民米一石應派米五合七勺

一挑下軍船脚夫米每正副并加耗米一石給米一  
升五合共米三百六十六石一斗五升一合四勺四  
抄三圭四粟每官民米一石慮派米七合六勺

一小船剥米每正副并加耗米一石給米二合共米四十八石七斗二升二合七勺四抄六撮五圭五粟每官民米一石應派米一合一抄

以上四項原額脚耗米一千六百四十二石二斗七升七合七勺今改倉兌減除米七百九十六石三斗六升二合四勺三抄七撮五圭實派用米八百四十五石九斗一升五合二勺六抄二撮五圭官民米原額每石派脚耗米三升四合八抄五撮三圭四粟今減除米一升六合五勺二抄八撮四

進賢縣志

卷之三

漕兌

三十

圭四粟實派米一升七合五勺五抄六撮九圭每官民米一石實通派正副耗米五斗一升四合二勺

一京米通縣減船錢銀一百兩每官民米一石減銀二厘七絲五忽五微

以上自便民倉後皆本邑兌倉沿革學倉附內其省城兌倉條則俱載黃公壇石事記

六隅倉一所 在縣治南舊名宦祠址

一都倉 在錦繡坊

二都倉 在藍田卽西倉舊址

三都倉 在南陽舖

四都倉 在北斛舖

五都倉 在古樓嶺

六都倉 在城背村

七都倉 在宋家巷

上八都倉 在白竈

下八都倉 在後斛

九都倉 在覺性寺

進賢縣志

卷之三

漕兌

三十一

十都倉 在捉牛岡卽舊社學

十一都倉 在花園

十二都倉 在長樂港岸小木村

十三四都倉 在徐橋卽舊社學

十五都倉 在池溪街

十六都倉 在元陽觀卽舊社學

十七都倉 在潤陂司側卽舊社學

十八都倉 在感慈寺

二十二都倉 在祖教寺卽舊社學

二十三都倉 在福勝寺

二十四五都倉 在鄔子

二十六都倉 在三陽街

二十七都倉 在閔家舖

二十八都倉 在梵葉寺原社學址

二十九都倉 在舊申明亭

三十都倉 在利僧寺原社學址

三十一二都倉 在羅屋

三十三都倉 在羅溪

進賢縣志

卷之三

漕兌

三十二

三十四都倉 在倫田

三十五都倉 在土坊街

三十六都倉 在土坊街

三十七都倉 在梁家屋後

三十八都倉 在舊鍾成寺

各倉俱萬曆間尹黃汝亨建其實粟之法首捐贖次  
勸義民小訟顧息輸石斗者聽每年擇忠實里保二  
人董其事官置簿三扇一付見役一付役過一存縣  
縣官案簿稽核或時不意親臨之無差官查盤之擾

春夏交出貸小民徵息加二遇歉歲則徵本暫免息水旱甚設法施賑先本社次外鄉又于本社擇一人看守每年給勞穀四石頗稱善政然未行數年輒廢也

金廷璧社倉議曰古常平義倉豐時積之無賤價傷農之患貴時散之無閉廩騰價之憂誠爲千古良法進舊設五倉在邑日常豐在鄉有東西南北四倉環一縣之民待命焉然鄉市遼隔遠邇偏枯勢所必至後實于常豐一遇水旱移粟則轉委假手因緣爲

進賢縣志

卷之三

漕兌

三十二

好移民則民從百十里外忍饑裹糧而至竟日不得一粟而市井吏胥詭屯挿和反充若輩橐此已事之明也令黃公汝亨熟悉茲弊除常豐倉邑社倉外復之各鄉都倉三十三所夫亦曰以本處粟濟本處民以各都人辦各都事而官第爲核其數當青黃不接耕耨無資時小民不苦糶貸富兒亦不得閉糶橫索焉乃行之不數年輒廢有治人無治法自古記之舉而行之不無望于當事者

郵遞

雲橋舖縣西二里舊名進賢舖今改名

港南舖縣西十里

雞溪舖縣西二十里

馬坵舖縣西三十里

嶺舖縣西四十里

土坊舖縣西五十里

以上通本省路

大山舖縣東五里

寶山舖縣東十五里

棗樹舖縣東二十五里

進賢縣志

卷之三

郵遞

三十四

徐橋舖縣東四十里

以上達東鄉縣

大嶺舖縣東南十里

橫溪舖縣東南二十里

新塘舖縣東南三十里

西萍舖縣東南四十里

以上通臨川縣路

翁嶺舖縣東三十五里

古路舖縣東四十五里

芟塘舖縣東五十五里宋嘗置驛 宋吉水楊萬里

詩白酒頻斟當啜茶何妨一醉野人家據鞍人向江

頭望落日天風 斜

石頭舖縣東六十五里 以上通餘路 唐戴倫除夜

宿石頭驛詩旅館誰 問寒燈獨可親一年將夜

萬里未歸人寥落悲前事支离笑此身愁顏與衰

明日又逢春

平湖舖縣西南四十里 以上通豐城縣路

進賢五路通衢舖通奔走穰苦惟南路視諸路稍暇舊有白田北斛南陽三舖因改路今似廢

附巡警舖十二 舖各有小甲

縣前舖

進賢縣志

卷之三 郵遞

三十五

衙後舖

大石橋舖

小石橋舖

民和坊舖

折桂坊舖

積善坊舖

義井坊舖

仁壽坊舖

仁義坊舖

仁行坊舖

田洽舖

進賢縣志

卷之三  
郵遞

三十六